

Dr Andrew Goodall
Yr Ysgrifennydd Parhaol
Llywodraeth Cymru

11 Mawrth 2025

Craffu ar Gyfrifon: Llywodraeth Cymru 2023-24

Annwyl Andrew

Hoffem ddiolch i chi a'ch cydweithwyr am roi tystiolaeth yn ein cyfarfod ar 19 Chwefror 2025 ar gyfer ein gwaith craffu blynyddol ar gyfrifon Llywodraeth Cymru.

Codwyd pwyntiau yn ystod y cyfarfod y gwnaethoch gytuno i ddilyn i fyny arnynt, sydd wedi'u nodi yn Atodiad A. At hynny, cytunwyd y byddem yn anfon cwestiynau ysgrifenedig na chawsant eu gofyn yn ystod y sesiwn, oherwydd cyfyngiadau amser. Mae'r rheini wedi'u nodi yn Atodiad A.

Byddem yn ddiolchgar o gael ymateb erbyn 1 Ebrill 2025.

Yn gywir,



Mark Isherwood AS

Cadeirydd y Pwyllgor Cyfrifon Cyhoeddus a Gweinyddiaeth Gyhoeddus

Croesewir gohebiaeth yn Gymraeg neu Saesneg.
We welcome correspondence in Welsh or English.



Atodiad A

Sesiwn dystiolaeth ddilynol – Craffu ar Gyfrifon: Llywodraeth Cymru 2023-24

1. Yn y cyfrifon, rydych yn nodi bod Llywodraeth Cymru yn y broses o ddatblygu strategaeth ymadael sy'n archwilio'r gost yn erbyn y budd o ran a ddylid parhau â'r gwaith o fonitro, yn dilyn y gystadleuaeth, ei grantiau busnes COVID-19. Yn y sesiwn, fe wnaethoch gytuno i ddarparu nodyn yn ymhelaethu ar eich ymateb llafar. Edrychwn ymlaen at gael y nodyn hwnnw.
2. Yn unol â'r pwynt uchod, gwnaethoch hefyd cytuno i fynd i'r afael â'r pwynt a wnaed gan y Cadeirydd ynghylch gweinyddu grantiau busnes COVID:

If you could also provide a note addressing whether you've carried out any work in that context regarding the business grants—the COVID business grants—regarding the differential way the discretionary local authority powers were exercised. I know, just in my area, some were very permissive, but not fraudulent; others were extremely restrictive and even denied that they had discretionary powers, and that would have been reflected in the numbers of grants, presumably, awarded. So, I don't know if you've done any work on that, but if you have, I'd be grateful if you could address that subsequently.

Atodiad B

Cwestiynau Ychwanegol – Craffu ar Gyfrifon: Llywodraeth Cymru 2023-24

Llunio'r Cyfrifon

- Yn y Cyfrifon, mae Llywodraeth Cymru yn nodi nad yw GCRE Limited wedi ei ddosbarthu gan y Swyddfa Ystadegau Gwladol eto a'i fod wrthi'n ceisio buddsoddiad ariannol preifat ar gyfer dyfodol hirdymor yr endid. Beth yw statws presennol GCRE Limited; a yw wedi denu buddsoddiad preifat?

Llywodraeth Cymru 2025

- Sut ydych chi'n gwella amrywiaeth eich gweithlu (o gofio eich bod chi wedi gosod "cynlluniau a thargedau uchelgeisiol") ac yn sicrhau llif o ddoniau ar draws y sefydliad ers i chi atal recriwtio prentisiaid a swyddogion ar y llwybr carlam newydd dros dro ar gyfer 2024-25?
- Nodwn sylwadau yng nghyfarfod y Bwrdd ym mis Medi 2023 bod llawer o'r arbedion a nodwyd yn 2023-24 yn rhai untro a bod heriau ariannol o'u blaenau. A allwch chi nodi maint yr her ariannol a wyneboch yn 2023-24 a'r goblygiadau ar gyfer 2024-25?

Materion ynghylch y gweithlu

- Roedd lefelau salwch yn is yn 2023-24 na'r flwyddyn flaenorol, ac rydych chi'n priodoli hynny'n bennaf i ddirywiad yn nifer yr achosion o COVID-19. Fodd bynnag, rydych chi'n nodi "cynnydd bach" mewn absenoldeb sy'n gysylltiedig â materion iechyd meddwl ac yn ei nodi fel un o'r meysydd allweddol y byddwch chi'n canolbwyntio arno yn y flwyddyn i ddod. Pa mor gyffredin yw absenoldeb staff oherwydd problemau iechyd meddwl a sut ydych chi'n mynd i'r afael ag ef?

Gwariant Llywodraeth Cymru

- Yn ei adroddiad, 'Gwneud y Mwyaf o Arian yr UE' a gyhoeddwyd ym mis Mehefin 2023, nododd Archwilio Cymru fod WEFO a Llywodraeth Cymru wedi nodi capasiti staff fel risg. Sut ydych chi'n cydbwyso cynnal adnoddau yn WEFO i gynorthwyo'r gwaith o gau'r rhaglen ac adleoli staff i flaenoriaethau eraill Llywodraeth Cymru?

Colledion a thaliadau arbennig

- Sut y gwnaeth Llywodraeth Cymru ysgwyddo colled o £2.3 miliwn yn ymwneud â Rhaglen Ôl-osod er mwyn Optimeiddio Llywodraeth Cymru, ac a ellid bod wedi ei hosgoi?



- Beth allwch chi ei ddweud wrthym am ymchwiliad twyll y tri grant a dalwyd i'r un unigolion am adnewyddu cyfleusterau gwestai a hamdden mewn dau safle ar wahân, y gwnaethoch eu dileu yn 2023-24?
- Pam wnaeth Llywodraeth Cymru wneud taliad arbennig o £13.1 miliwn (heb gynnwys TAW) i setlo cyfres o hawliadau contractiol ar brosiectau'r Rhwydwaith Ffyrdd Strategol, a oedd wedi codi oherwydd pwysau chwyddiant; beth fyddai canlyniadau peidio â setlo wedi bod?
- Fe wnaeth archwiliad TAW gan Gyllid a Thollau Ei Fawrhydi nodi bod Llywodraeth Cymru wedi tanadfer TAW ar gynlluniau ffyrdd yr A487 a'r A465. Pam na chanfuwyd hyn gan swyddogion a pha asesiad ydych chi wedi ei wneud i weld a yw'r mater yn fwy cyffredin?

Llywodraethiant a sicrwydd

- Pa wersi ydych chi wedi eu dysgu o'r Archwiliad Mewnol ar Fframwaith Rheoli Rhaglenni a Phrosiectau Llywodraeth Cymru, y rhoddodd y Pennaeth Archwilio Mewnol farn "dim sicrwydd" arni eto yn 2023-24; a ydych chi bellach wedi gweithredu prosiectau blaenoriaeth a ffrydiau gwaith y Rhaglen hon yn llawn?
- Pa feysydd hanfodol o Reoli Arian Cyhoeddus Cymru ydych chi wedi eu nodi i'w diweddarau ar unwaith, a phryd ydych chi'n disgwyl eu cyhoeddi; a ydych chi ar y trywydd iawn i gwblhau adolygiad cynhwysfawr o'r ddogfen gyfan erbyn diwedd y flwyddyn galendr hon, yn unol â'r bwriad?
- A ydych chi wedi rhoi'r dull hunanasesu newydd ar waith ar gyfer sefydliadau unigol, ac wedi ailddechrau'r adolygiad wedi ei deilwra ohonynt; os felly, a allwch chi rannu cynllun cyflwyno gyda'r Pwyllgor?
- Rydych chi'n dweud yn y nodiadau ar y Crynodeb o Alldro Adnoddau fod nifer o Gyrff Hyd Braich Llywodraeth Cymru wedi gorwario yn 2023-24. Ar wahân i orfod ymdopi â'r gorwario yn eich cyllidebau, beth yw'r goblygiadau i chi (gan gynnwys yr adran nodd) a'r sefydliadau eu hunain?

Materion eraill

- Yn ei lythyr i'r Pwyllgor ym mis Gorffennaf 2024, nododd Archwilydd Cyffredinol Cymru fod swyddogion yn paratoi cyngor Gweinidogol ynghylch a ddylid gwerthu'r cyfranddaliad yn TVR Automotive. A oes gan Lywodraeth Cymru gyfran ecwiti o hyd yn TVR Automotive, ac os felly, sut mae hyn yn cynrychioli gwerth am arian?
- A yw Llywodraeth Cymru bellach wedi prydlesu'r ffatri ar ei newydd wedd yng Nglynebwy; os felly, beth yw telerau'r brydles ac a fydd yn cynhyrchu'r enillion disgwylidig?



- Faint o eiddo masnachol gwag sydd gan Lywodraeth Cymru a sut mae'n penderfynu pryd i'w gwerthu?

